



6 CHRISDUQ EQ SENG E
MYIQHTOI DANG PE




ELISHA E HTANG MA, GARAI GASANG GI, ESAIA, YEREMIA EQ AMO PE SU E MYIQTOTI GOBANG LE DUM NYI NHANG RI. HAU BANG GI, BYU PE LE, YHANGMOQ E HPARA NOQ HKYO MAI LE, YUBAK MARA MAI LE WO SHUI LHING YU AKO. GARAI GASANG GI, MYIQTOTI HAU BANG DONG MAI DANG TAI MU, YHANGMOQ LE, DUT LO RA MYIQTOTI DANG PE MYO MYO KA NHANG RI.

ESAIA GI, HKOKHAM UZIAQ, YOHTAM, AHAZ EQ HEZEKIA PE UP E U LE MYIQTOTI NGHUT RI (B.C. 760-700 ZAN KO MA). GARAI GASANG GI, ESAIA DONG MAI DANG NYO E MA, "NGO GI, ZO WUI LE BALU KO BE NGHUT LHE; NGHUT KOLHANG, YHANGMOQ GI, NGO LE GUMLAU TOQ BEKO NGHUT RI. DANG A DAT NYO E NO GI YHANG E, YHUMSING LE SE RI; NGHUT KOLHANG, ISRAELAQ BYU PE GI, NGO LE A SE KO NGHUT RI. NUNGMOQ GI, YUBAK MARA BYING E BYUHLI, MARA BYING E BYU PE, ASHOP HKYO KUT E ZODU WUI ..."

"NUNGMOQ GI, NUNGMOQ E AGE ASHOP HKYO EQ ZIK ZO E HKYO LE TO PYAM MU, IWA A WO BANG LE WU GON LUI, CHUIMO PE LE GARUM KO E NGHUT JANG, NGO GI, NUNGMOQ LE HKYI YU MU, YA GE BYI RA NGHUT LHE. NGHUT KOLHANG, NUNGMOQ, NGA CHYANG A LHING LO KO E NGHUT JANG, NUNGMOQ GI, SHAM EQ NYUI PYAM E HUI KO RA NGHUT LHE. NUNGMOQ E MAUMYI GON GI, CHAM-CHUYIYUI DUT MU, NUNGMOQ E MYUQ GI, MYI EQ NYHE HKYO PYAM E HUI RA NGHUT LHE. YHANGMOQ GI, NUNGMOQ E ZODU WUI LE BABELON MA SHUI LO MU, HAU MA YHANGMOQ LE BABELON E HKOKHAM WANG MA DOJALI NHANG RA MATU, UNUK PE DUT NHANG KO RA NGHUT LHE." GA RI.

YEREMIA GI, HKOKHAM YOSIAH, YOHIKIM EQ ZEDEKIA PE UP E U LE MYIQTOTI NGHUT RI (B.C. 630-590 ZAN KO MA). YHANG TAI E GI, "WU KEQ, HAU YHUMSING GARAI SHI SU GA TAI RI; NGO GI, NUNGMOQ E HI MA ASAK DUI HKYO EQ SHI HKYO TO TO BYI LHE. MYUQ SHI MA NYI NYI E SU GI, SHAM EQ LE, MLIT MO HKYO E EQ LE, WUM HKYO E EQ LE, SHI BYUQ RA NGHUT LHE; NGHUT KOLHANG, HTOQ LO MU, NUNGMOQ LE CHYUP YU E HKALIDEAN MA LO LEQ E SU GI, BYUN RA NGHUT LHE; NGHUT KOLE, YHANG GI, BABELON E JUN DUT E HUI RA NGHUT LHE. HKASU MU GA LE, AGE ASHOP KUT E YANMAI, NGO GI, MYUQ SHI LE MARA DAM BYI E NGHU LHE GA HAU YHUMSING GARAI TAI RI. MYUQ HAU GI, BABELON HKOKHAM E LOQ MA BYI PYAM E HUI LUI, YHANG EQ NYHE HKYO PYAM E HUI RA NGHUT LHE." GA RI.




HAU YHUMSING GARAI, AMO DONG MAI TAI E MA,
 "NGO GI, NGO YHANG MAI, NHIK-YO E,
 NHIKJUM YO E EQ NHIKMO YO E EQ, NGA
 E LOQBU XIK MU, NGA E LOQ LHAM LUI,
 NUNGMOQ LE HTIM RA NGHUT LHE. HAU
 MU, NGO GI, MYUQ SHI MA NYI E BYU EQ
 DUSAK PE LE BAT HKYOM PYAM RA;
 YHANGMOQ GI, GYAI YHANG ASHO AWUI
 DUT E DONG SHI KO RA NGHUT LHE. HAU
 HTANG MA, HAU YHUMSING GARAI TAI E,
 NGO GI, YUDAQ HKOKHAM ZEDEKIAQ LE
 LE, YHANG E DUI-NHANG ZOSHANG WUI LE
 LE, SHIWA BYU LE LE, HKYI YU RA NGHUT
 LHE. HAU HTOQ AGO, HAU WUIHKE HKYO
 MAI LE, SHAM MAI LE, MUT MO GYO E
 MAI LE WO LUT MU, BABELON HKOKHAM
 NEBUHKANEZAR E LOQ MA NGHUT BYUQ
 E, MYUQ SHI MA E BANG LE LE,
 YHANGMOQ E GYE PE LOQ MA NGHUT
 BYUQ E BANG LE LE, YHUMSING ASAK
 DUI RA HKYO HO BANG E LOQ MA NGHUT
 BYUQ E BANG LE LE, HKYI YU RA NGHUT
 LHE; HAU MU, YHANG GI, YHANGMOQ LE
 SHAMSO EQ ZAN RA NGHUT LHE; YHANG
 GI, SHOGYO E, NHIKMYIN E HKYO A BO;
 YHANGMOQ LE LHOQ HTEN PYAM RA
 NGHUT LHE. NGA E NHIKJUM YO E HKYO
 GI, MYI SU YHANGMOQ LE NYHE RA
 NGHUT MU, HAU LE O LE WO LHOQ JOM
 PYAM RA A NGHUT. YHANGMOQ GI,
 NUNGMOQ LE JUN DONG BABELON SHUT
 SHUI LO MU, SHAM EQ SAT PYAM KO RA
 NGHUT LHE. BABELON MA JE LO BANG
 MYO MYO GI, SHI BYUQ MU, HAU MAI MA
 MYHUP PYAM E HUI KO RA NGHUT LHE." GA
 RI.

AMO GI, HKOKHAM UZIAQ EQ II YEROBOAM LIP E
 LI LE, MYIQHTOI RAYUQ NGHUT RI (B.C. 765-750
 ZAN KO MA).



AMO DONG MAI GARAI GASANG TAI E GI,
 "NUNGMQQ E MYIWE WUI GI, NO
 JUM SU LE, YHANGMOQ E
 YHANGLANG PE LE WUI RAGO
 LAJANG BYI KEQ GA BANG NGHUT
 AKO. NUNGMQQ GI, NUNGMQQ E
 YHANGLANG PE LE WO UPHKANG
 RA A NGHUT LO. NUNGMQQ GI,
 BABELON MA JUN DUT RA MATU,
 NUNGMQQ E GUNGSHO MAI
 GOKNGHE EQ NGHE SHUI LO BYUQ
 E HUI KO RA NGHUT LHE."

"NUNGMQQ GI, HPAU E YHUMCHUNG ZE PE WO E EQ
 AP NONG POI MA E NGHAM E ZOSHUQ MYANG ZO KO
 RA NGHUT LHE. NUNGMQQ GI, RENG E TSEBYIQ
 WING SHUQ NGON NYI BUM KO E HKUN, TINGSE
 SAMBYI HTE GYO KO RA NGHUT LHE. NUNGMQQ GI,
 DINGMAN HKYO LE MYIGLING MA DU HKYO PYAM
 BEKO; NUNGMQQ GI, MYLING BANG LE NANG PYEQ
 PYAM KOMU, DINGMAN BANG LE ZIK ZO LUI,
 YHANGMOQ E SUTZE LE LU YU PYAM BYI BEKO
 NGHUT MU, MYLING BANG E TARA RAP-RA HKYO LE
 LHOQ HTE PYAM BEKO NGHUT RI. NUNGMQQ GI,
 TSIBYIQ HKYAM SAI KO RA; NGHUT KOLHANG,
 NUNGMQQ E GYE PE SHEQ TSIBYIQ WING SHUQ KO
 RA NGHUT LHE. NUNGMQQ E GYEDAP GI, LHOQ HTE
 PYAM E HUI LUI, NUNGMQQ GI, JUN DONG GOMING
 MA SHUI LO BYUQ E HUI KO RA NGHUT LHE." GA RI.



GARAI GASANG TAI LE, "NGO GI,
 BEHTELAQ E KYALGYAP PE LE
 LHOQ HTE PYAM RA EQ,
 NUNGMQQ E GYOQMYU YHUM
 EQ NYE-NAM YHUM LE LHOQ
 HPYI PYAM RA NGHUT LHE.
 NUNGMQQ GI, MYLING BANG
 LE ZIK ZO MU, YHANGMOQ E
 SUTZE LE LU YU PYAM BYI
 KOLUI, RA NYI E BANG LE
 NANG PYEQ PYAM BEKO
 NGHUT RI. NGO GI, MAU A
 WO NHANG E ZA, MUT MO
 GYO NHANG, NOLI NOJANG
 HUI NHANG E KUT KOLHANG,
 NUNGMQQ GI, MYIT LHING A
 WO SHI KO NGHUT RI.
 NUNGMQQ GI, TSIBYIQ
 HKYAM PE SAI KOMU, TSIBYIQ
 WING MYO SAI AKO, NGHUT
 KOLHANG, HAU LE NUNGMQQ
 SHUQ KO RA A NGHUT." GA RI.



ANU, NGO GI,
 ZOMUT BE.

B.C. 753 ZAN

HOSEA GI, HKOKHAM UZIAQ, YOHTAM EQ AHAZA UP E U LE, MYIQTOTI RAYUQ NGHUT RI (B.C. 785-725 ZAN KO MA). YHANG MYIQTOTI HTOI E GI, "ISRAELAQ BYU PE GI, SHAM EQ SAT E HUI MU, YHANGMOQ E ZOSHANG WUI GI, MYIGUNG MA BAT LHEQ PYAM E HUI LUI, YHANGMOQ E ZOGUNG DUT E MYIWE WUI GI, DE DE RHOI PYAM E HUI KO RA NGHUT LHE."

"GARAI GASANG GI, ISRAELAQ BYU PE E YUBAK MARA LE HKYUT PYAM BYI MU, YHANGMOQ LE CHYIT E BUINYI JE RA NGHUT LHE. ISRAELAQ BYU PE GI, HTUTBO BAN SU RADAM DIUM BO KO RA NGHUT LHE. YHANG GI, TSALUN GAM SU MYO LUQ JEBE LO MU, LEBANON MA E MARAU GAM SU NAM NGON JUNG XU WO KO RA NGHUT LHE."

"BABELON MA NYI LAI E HTANG, JE LO RA ZANWUT PE MA, NUNGMOQ GI, MINGDAN MYO MYO MA LHOQ PYO PYAM E HUI LUI, HAU BANG EQ ZINGRI E HUI ZO KOMU, NUNGMOQ E SUTZE LE YU PYAM BYI E HUI KO RA NGHUT LUI, NUNGMOQ GI, NYI RA JANG MYANG HO KO RA A NGHUT." GA RI.

YHANGMOQ GI, LHUNGLHANG YU NYI KO LUI NHING, HAI MU, NGA-NHUNG LE BALU A NYHI TO KO E LHU?

SHI GI, GU HPAU HPAU LUNG RA DUT RI. NGO GI, YUDAQ BYU PE LAI LO E LE GYAI YHANG A NGUI O. YHANGMOQ GI, NGA-NHUNG LE HPLUGA DINGGA HKYO MYO MYO LHOQ HTOQ BYI RI.

ANU, NGA ME WUI HKAMA LO NYI LO RA LHU?

YUDAQ BYU PE BANSHOQ BANG, SUM NYI GYORO MA SHI MAU MAI HTOQ LO RA DUT BE!

LAIKA SHI LHUM DONG GA JANG, YUDAQ BYU PE BANSHOQ BANG SHI MAU MAI HTOQ RA BE; NGHUT KOLHANG, SUTZE GI, HAI LE A WO YU CHUNG.

NGO GI, NO SHI DU LE HKA-NHAM LE O NALI RI.

ISRAELAQ AMYU GI, GARAI GASANG E DANG LE HE-NGIK PYAM BE NGHUT E YANMAI, YHANGMOQ GI, MYIDAM HTOQ MA E MINGDAN HKANGMO SHUT LHOQ PYO PYAM E HUI KO RA NGHUT LHE; NGHUT KOLHANG, YHANGMOQ E ICHYI IWA PE E MAU MA, YHANGMOQ LE, GARAI GASANG SHUI TAU LO E HKUN JE SHOQ, YHANGMOQ GI, BANNO JOWO MYANG HO KO RA A NGHUT.

"ISRAELAQ MAU GON GI, CHAM-CHYUINYI DUT RA NĠHUT MU, NUNĠMOQ GI, TO ZAN YHANG BABELON HKOKHAM LE DOJALI KO RA NĠHUT LHE. NĠHUT KOLHANG, TO ZAN LAI HTANG MA, NGO GI, BABELON BYU PE E YUBAK MARA LE DAM BYI RA NĠHUT MU, MYIT GYO TO E BANG LE SHI MAU DUM XUQ RA MATU SHUI LO RA NĠHUT LHE."

"YERUSALEM GI, YOHPUQ E SU HPUQ PYAM E HUI SHOQ, TO PYAM TO E HUI RA NĠHUT LHE."

MYIQHTOI DANG HAU GI, DIK BE NĠHUT RI. GE GE YHANG, YERUSALEM LE GYE PE EQ HPUQ PYAM BE NĠHUT RI. NĠHUT KOLHANG, LO HTANG E BUINYI PE MA GI, NOGKUQ YHUM SAI RA NĠHUT MU, BYU PE HAU MA BYING MUI NYI RA NĠHUT LHE.

B.C. 750-686 ZAN GYORO MA NYI E MYIQHTOI MIHKA MYIQHTOI HTOI E GI:

"MINGDAN MYO MYO GI, LE MU, 'LE KEQ, SA, HAU YHUMSING GARAI E BUM MA DOQ LO MU, YAKUP E GARAI GASANG E YHUM MA DOQ LO SHANG.' GA TAI KO RA; YHANG GI, NGA-NHUNG LE, YHANG E HKYO MHOQ BYI RA NĠHUT MU. NGA-NHUNG GI, YHANG E HKYO MA SO RA NĠHUT LHE: HKASU MU GA LE TARA GI, ZION MAI HTOQ LO MU, HAU YHUMSING GARAI E MUNGDANG GI, YERUSALEM MAI HTOQ RA NĠHUT LHE."

"HAU MU, YHANG GI, BYU MYO MYO LE TARA JEYANG MU, BYUHU LE HTAN HTAN NHIKMO YO RA NĠHUT LHE; YHANGMOQ GI, YHANGMOQ E SHAM LE NOJON SU DUT SHOQ BAT PYEM MU, YHANGMOQ E LHAM LE GOKNGHE SU DUT SHOQ BAT CHUIN KO RA NĠHUT LHE: MINGDAN RALHUM GI, GOLHUM LE SHAM EQ ZAN E HTOQ AGO, MAJAN ZAN HKYO LE A MHOQ LO KO RA NĠHUT LHE. NĠHUT KOLHANG, YHANGMOQ YUQ HKANGMO GI, YHUMSING E TSIBYIQ GAM O EQ YHUMSING E MAHPANG GAM O MA ZUNG KO RA NĠHUT LHE; HAU HTOQ AGO, O YUQ LE, YHANGMOQ LE WO KYUQ RA A NĠHUT: HKASU MU GA LE, MAHKUNG BANG E YHUMSING GARAI E NHUT MAI HAU HKYO TAI E NĠHUT LHE."

"HAU MU, NGA-NHUNG GI, NGA-NHUNG E YHUMSING E GARAI GASANG E MYING MA PYAT DEDU AHTUM ABYUQ SO NYI RA NĠHUT LHE. HAU BUINYI MA, YHUMSING GARAI TAI E, NGO GI, YHANGMOQ LE, LHOQ PYO PYAM E MAI SHUI TSING YU MU, WUM BO E MINGDAN XUQ BYI RA NĠHUT LHE: HAU HKUIN MAI, HAU YHUMSING GARAI GI, ZIUN BUM MA YHANGMOQ LE AHTUM ABYUQ UP NYI BE RA NĠHUT LHE."



YEREMIA MYIQHTOI HTOI E GI:

HKOHKAM ZEDEKIAQ GI, HALI YHUMSING GARAI HI MA AGE ASHOP E HKYO KUT BE NGHUT RI. YHANG GI, YHANG E BYU PE EQ RAHA, YHANG E ASAK LO NYI HTUM RA NGHUT JANG BABELON MA LO RA NGHUT LHE; NGHUT KOLHANG, YHANG E MYOQ EQ BABELON LE HKA-NHAM LE MYANG RA A NGHUT. YHANG GI, MYOQ LHOQ CHIT E HUI RA NGHUT LHE. NUNGMOQ GI, BABELON MA 70 ZAN BO SHOQ NYI KO RA NGHUT LHE.

70 ZAN ZU E HKUN, BABELON LE GI, MAUTSUNG MA E GYE RAHPUNG EQ LING MU, UP YU RA NGHUT LUI, MYIT GYO TO E NGA E BYU PE GI, MAUMYI SHI MA TALU LO MU, MYUQ EQ NOQKUQ YHUM LE SAI KO RA NGHUT LHE.


MARA DAM BYI E HKYO LAI HTANG MA, GARAI GASANG GI, YHANGMOQ E YUBAK MARA LE HKYUT PYAM BYI RA NGHUT MU, YERUSALEM MA GI, PYAT PYAT ZAI ZAI BYU NYI BUM BERA NGHUT LHE.

LAIKA SHI BUK LE NUNGMOQ EQ RAHA BABELON MA YU LO MU, SHIWA BYU PE LE NHAP KYO KEQ. YHANGMOQ TALU LO RA HI MA, HKA DONG HKAM JAN RA DUT E HKYO LE SE NHANG KEQ.

NGO GI, DAWIQ E HKOHKAM TANGHKUNG LE DUM XUQ BYI RA NGHUT MU, NUNGMOQ GI, DUM TALU LO MU, NUNGMOQ E MAUMYI BANSHOQ LE LO SING KO RA NGHUT LHE.

EZEKELAQ MYIQHTOI HTOI E GI:
"YHANGMOQ GI, MINGDAN PE MA LHOQ PYO PYAM E HUI ZO KO RA NGHUT LHE; NGHUT KOLHANG, GARAI GASANG GI, LHOQ PYO KAT E SU. LO HTANG MA YHANGMOQ LE DUM SHUI TALU LO RA NGHUT LHE."

"GARAI GASANG GI, ABRAHAM LE, MAUMYI HAU MA YHANG E AWUT ASHIN PE AHTUM ABYUQ NYI NYI RA NGHUT LHE GA DANGGIDIQ BYI TO BE NGHUT LUI, YHANG E DANGGIDIQ LE LHOQ HPYOQ RA A NGHUT. NGHUT KOLE, SHIWA BYU PE MARA BYING JUP LO KO E HKUN, GARAI GASANG GI, GOBANG E HPARA PE LE NOQ RA MATU YHANGMOQ LE MINGDAN PE MA SHUM DONG NHANG KAT RA NGHUT LHE; NGHUT KOLHE, LO HTANG MA GI, YHANGMOQ LE DUM SHUI TALU LO RA NGHUT LHE." GA RI.



"EGUDUQ MING LE, BABELON EQ JEYANG DOGDAN PYAM E HUI LUI, HO ZAN YHANG CHAMCHYUI-YUI DUT E HUI RA NGHUT LHE. YHANGMOQ, BABELON MAI DUM TALI LO KO E HKUN, EGUDUQ MING GI, HKA-NHAM LE HI LHE SU HKIK RA A NGHUT LO; NGHUT KOLHANG, LO HTANG SHOQ GI, JOQ GING NYI RA NGHUT LHE. HAU MU, HTANGNUNG MA, EGUDUQ MING EQ ASIRIA MING GI, NGA E BYU ISRAELAQ PE EQ MYIT HUI HKYO SUM HKAT YU MU, XOQ YUQ KO RA NGHUT LUI. NGO GI, YHANGMOQ LE SHIMAN BYI RA NGHUT LHE."

"PILISTIN BYU PE GI, LHOQ HTEN PYAM E HUI KO RA NGHUT MU, HKA-NHAM LE JOQ NYI RA A NGHUT LO. HAU EQ RAJUNG ZA, ASHDOT, EKRON EQ AMON GI, HKA-NHAM LHANG JOQ RA A NGHUT LO. EDOM GI, BANSHOQ CHAMCHYUI-YUI DUT BYUQ RA NGHUT LHE. TURE GI, LHOQ HTEN PYAM E HUI RA NGHUT MU, LUQOK PE EQ MAISAK PE BANSHOQ GI, WUI MING MA DU KAT PYAM E HUI RA NGHUT LHE. HAU MA HKA-NHAM LE BYU NYI RA A NGHUT LO; HAU MU, MALMYI GI, LUQOK SU CHYUT CHYUT DUT BYUQ RA NGHUT MU, NGOGUN DU LHEQ JANG SU DUT BYUQ RA NGHUT LHE."

"NGHUT KOLHANG, IRAN NGHUT E PERSIA, TURKI, ETIOPIA AND LIBYA PE GI, LO HTANG SHOQ JOQ NYI RA NGHUT MU, ISRAELAQ MING LE GUMLAU TOQ KO RA NGHUT LHE; NGHUT KOLHANG, YHANGMOQ GI, ISRAELAQ MING MA E BUM PE MA SHI BYUQ KO RA NGHUT LHE."

CHYUMLAIKA MA BO E MYIQTOTI DANG PE GI, HKA-NHAM LE TENG E CHYAT NGHUT LHE. MYUQ PE EQ MINGDAN PE BYUQ BYUQ RA NGHUT LHE GA MYIQTOTI HTOI TO E PE GI, HAU SU YHANG DUT BYUQ BE NGHUT RI. LO HTANG SHOQ JOQ NYI RA NGHUT LHE GA E MINGDAN PE GI, HKU-NYI JE SHOQ NGA-NHUNG E RAHA JOQ TO ASHI NGHUT RI.

B.C. 605 ZAN MA, ISRAELAQ GI, BABELON EQ UP ZO YU E HUI BE NGHUT RI; HAU GI, MYIQHTOI PE TE TAI TO E EQ RAJUNG ZA NGHUT RI.



YUDAQ BYU 5,000 YUQ CHYAN GI, MAJAN MA E HTONG BYU PE DONG BABELON MA SHUI LO BYUQ E HUI ZO BEKO. YHANGMOQ GI, MINGDAN MA WO DOJAU NHO ZA E BANG IRAM WUI EQ HPAQCHYI BO BANG LE SHUI LO AKO NGHUT RI. HAU BANG MA IRAM RAYUQ DANIELAQ GA SU LE BO RI. YHANG GI, HKA-NHAM LE JEP E TARA LE CHANG NYI MU, ABRAHAM E GARAI GASANG E JINO GYO MU NYI NYI SU NGHUT RI.

O YHUMSING GARAI E, NGAMOQ GI, NGAMOQ E ICHYI IWA PE E YUBAK MARA E YANMAI, DAM BYI E HUI ZO NYI RI. SHI TUNGBAU MING MA NGHUT KOLHANG, AHKUI, NANG E TARA LE CHANG RA MATU NGAMOQ LE GARUM YUQ LAQ.

DANIELAQ GI, TUNGBAU MING MA HTONGBYU NGHUT NYI KOLHANG, YHANG E GARAI GASANG LE LHUMZUI NYI RA MATU MYIT HPYIT YU RI. YHANG LE CHYUP YU BANG GI, YHANG MA GE E WOINYI ATSAM BO E LE BYU MYANG KOMU, YHANG LE, BABELON MA E HPAQCHYI BO SU RAYUQ DONG LAKSAN NYHI TO RI.



O, MAUHKUNG EQ MYIGUNG E YHUMSING GARAI, NYI MI-NYI, JOQ MIJOQ E HKOKKAM E, NANG GI, MYIDAM HTOQ MAI ZOSHUQ LHOQ HTOQ BYI E YANMAI, NANG LE NGAMOQ JEJU BUN LHE.

BABELON E HKOKKAM NEBUHKANEZAR GI, LAKLAI E YHUPMOQ E YANMAI BUN LO RI.



YHUPMOQ HAU E LICHYUM GI, HAI JUNG NGHUT LHE LHU? YHUPMOQ GI, HTANGNUNG LHE E HKYO LE SHIT RA MATU, HPARA PE EQ BYI E TENG ZA NGHUT RA NGHUT LHE.



NUNGMOQ GI, HPAQCHYI BO BANG NGHUT LHE. HPARA PE, NANG LE AJUNG JUNG TAI KYO E GA NUNGMOQ TAI KO E NGHUT LHE. AHKUI, NGO HAI JUNG YHUPMOQ MOQ E EQ YHUPMOQ E LICHYUM HAI NGHUT E LE, TAI KYO WU KEQ.

NGHUT KOLHANG, NANG MYANG E YHUPMOQ LE A TAI KYO LE GI, YHUPMOQ E LICHYUM LE NGAMOQ HKASU GE WO TAI RA LHU? HPARA PE MAI LAI LUI, O YUQ LE HAU HKYO LE WO KUT RA A NGHUT.





NUNGMOQ BANSHOQ BANG GI, MHAU ZO BANG NGHUT E LE, NGO SE LHE. HAU HPARA PE GI, NUNGMOQ LE DANG A NYO E NGHUT LHE. NUNGMOQ LHUNGLHANG BANG GI, NUNGMOQ E YHUMBYU WUI EQ RAHA SAT PYAM E HUI KO RA NGHUT MU, NUNGMOQ E YHUM PE GI, BUZAQ BUM DUT BYUQ RA NGHUT LHE.



DANIELAQ E, NGO GI, MYIT GYAI YHANG A NGON, NAPMA GI, NANG LE, BABELON MA E HPAQCHYI BO BANG BANSHOQ LE SAT HUI BERA NGHUT LHE. HKOKHAM HPO GI, YHUMSING E HKYANGJONG PE LE A LUMJING NGHUT RI.

NGHUT KOLHANG, YEHOWA GARAI GASANG GI, HKOKHAM HPO E YHUPMOQ EQ HAU E LICHYUM LE WO HPONG SHIT LHE. NGO BAU YHANG KYUDUNG RA. RANYI LANG BYI SHI LAQ NGHUT DUNG TONGBAN KEQ.



YHUMSING GARAI E, NANG ZA, JOQ MIJOQ E HKOKHAM EQ GARAI GASANG NGHUT LHE. JEJU MAI, NANG E DUI-NHANG ZOSHANG LE, DUT LO RA HKYO PE TUNSHIT LAQ. NANG SU DUT E, GOTU GARAI A NYI LO.

DANIELAQ, GYO YU AQ ...



HAN KEQ, HKOKHAM HPO CHYANG NGO LE SHUI E KEQ!

HKOKHAM HPO LE, YHANG E YHUPMOQ NANG A WO TAI KYO E NGHUT LE GI, HAU JOWO MAYHANG NGO LE SAT PYAM RA NGHUT LHE.



O HKOKHAM, NANG GI, HKOKHAM PE BANSHOQ HTOQ MA E HKOKHAM NGHUT RI; HAI MU GA LE, MAUHKUNG E GARAI GASANG MAI NANG LE HAU SU KUT NHANG E NGHUT LHE. YHANG GI, LOHTANG E BUINYI MA HKASU DUT LO RA HKYO EQ SENG E SHING-RAN, NANG LE BYI BE NGHUT RI.

NGA E AHKYING HKA LHOQ PAN. NGA E YHUPMOQ LE NANG WO TAI KYO RA LIUQ, A WO TAI KYO RA LIUQ?

HAU TENGMAN E GARAI GASANG, NYI MI-NYI, JOQ MIJOQ LE HPAN SU GI, NANG E YHUPMOQ LE, NANG E DUI-NHANG ZOSHANG NGO LE TUNSHIT BE NGHUT RI.



O HKOKHAM, NANG GI, BYU AZONG LHO MO LE SHING-RAN MYANG E NGHUT RI. AZONG HAU GI, NANG E MINGDAN EQ HTANG MA CHANG JOQ RA MINGDAN SUM LHUM E GUNGLIK NGHUT RI.

TENG LHEI NGO, O YUQ LE LE A TAI KYO! NANG E GARAI ZA, GARAI GASANG NGHUT LHE.



NANG GI, AZONG HAU E HING ULHUM NGHUT MU, HKOKHAM PE BANSHOQ E HKOKHAM NGHUT RI. NANG, YUDAQ MING LE A ZAN LING YU SHI MA, GARAI GASANG MAI NGAMOQ E YUBAK MARA E YANMAI, NGAMOQ LE TARA JEYANG MU, MINGDAN LE NANG E LOQ MA AP BYI RA NGHUT LHE GA, NGAMOQ E MYIQHTOI PE, NGAMOQ LE TAI KYO WU BEKO NGHUT LHE. AHKUI, NANG E UPHKANG HKYO GI, HKIK DIK RA NGHUT LHE.



NGUN LE SAI TO E WANGGANG GI, GOTU MINGDAN NGHUT E, MEDE BYU PE EQ PERSIA BYU PE E MINGDAN LE TUNSHIT TO E NGHUT RI. NANG SHI BYUQ E HTANG MA, YHANGMOQ GI, BABELON LE ZAN LING YU MU, NANG SU MAUMYI GON LE UP SING KO RA NGHUT LHE.



O HKOKHAM, HING ULHUM EQ NGUN WANGGANG LE MYANG E HTANG MA, NANG GI, GYI LE SAI TO E WAMDALU LE MYANG RA NGHUT LHE. GYI HAU GI, SUMLHUM NGHU RA MINGDAN NGHUT E GRESI BYU PE E MINGDAN NGHUT RI. HAU GI, PERSIA MINGDAN HTANG MA JE RA NGHUT MU, GYAI YHANG ASHOP DIK RA NGHUT LHE.



MYILHUM NGHU RA MINGDAN GI, GOTU MINGDAN PE EQ A PLUNG, HKYI PE GI, JOQTOQ LE SAI TO E NGHUT MU, MINGDAN MYO MYO LE ASHOP E DONG NANG HKYOP PYAM RA NGHUT LHE. NGHUT KOLHANG, NANG GI, JOQTOQ HAU MA MYITSE NYHO TO E LE MYANG RI. LOHTANG E BUINYI PE MA, MINGDAN GI, RAXE HKYAM GAMHKOQ BYUQ RA NGHUT MU, WUM NYHOM BYUQ RA NGHUT LHE.




O HKOKHAM, HAU HTANG NANG GI, BUM MAI LUQQOK RACHAM BUQ GOQ HTOQ LO E LE MYANG RI; NGHUT KOLHANG, HAU GI, BYU LOQ EQ LHOQ HTOQ KAT E A NGHUT. LUQQOK HAU GI, BUM MAI LENG GYO LO MU, BYU ZONG HAU E HKYI MA LO BAT LUI, RA-U MA ZA, MINGDAN BANSHOQ LE LHOQ THEN PYAM RA NGHUT LHE.




LUQQOK HAU GI, MYIDAM HTOQ MA HPUNG BO E MINGDAN LE XUQ RA SU, GARAI GASANG E YHANGZO E GUNGLIK NGHUT RI.

SHI BYUQ BE BANG GI, LO HTANG E AHKYING MA, TARA JEYANG DOQDAN E HUI RA MATU, LHOQ NHAU TOQ E HUI KO RA NGHUT LHE. AGE ASHOP HKYO KUT E BANG, HOQHPU E HUI ZO MU, AHTUM ABYUQ MARA DAM BYI E HUI ZO KO RA NGHUT LHE. GE E HKYO KUT E BANG KUM GI, AHTUM ABYUQ E ASAK LE MYANG HAP YU KO RA NGHUT LHE.



MYI RA HKYO HAI A BO, NANG TAI E DANG PE GI, GARAI GASANG CHYANG MA E NGHUT RI. NGHUT KOLE, NGA E YHUPMOQ LE JI JI CHYUN CHYUN NANG HKASU WO SE E LHU? NGO GI, NANG LE, HPAQCHYI BO BANG BANSHOQ LE UP NHANG RA NGHUT LHE.

DANIELAQ GI, 68 ZAN BYING SHOQ BABELON MA XOQ NYI NYI RI. YHANG GI, YHUPMOQ MYO MYO E LICHYUM LE TAI KYO MU, HTANGNUNG LHE HKYO LE ADAM DAM TE TAI KYO BE NGHUT RI. NEBEHKANEZAR SHI BYUQ E HKUN, YHANGZO BELASHAZA GI, YHANG HKO MA ZUNG RI.



RAMYIN LE, BELASHAZA GI, SHUQ WUT LUI, POI MA NYI TO E U LE, MAUHPO DONG LOQ RALOQ HTOQ SHIT MU, XEWAM MA LAIKA KA TO RI. HAU E LICHYUM TAI KYO RA MATU DANIELAQ LE JI YU RI. GARAI GASANG KUM GI, O A SE E MYING HAU LE, DANIELAQ LE SE GYO NHANG RI.

O HKOKHAM, NANG GI, GARAI GASANG LE MARA KUT HUT BE NGHUT RI. HAU MYIQHTOI PE TE TAI TO E EQ RAJUNG ZA, NANG E MINGDAN LE YU MU, HKUMYIN YHANG, MEDE BYU PE EQ PERSIA BYU PE LE BYI PYAM RA NGHUT LHE.



GYE HAU BANG GI, MYUQ MA WUI WANG NHANG E HKUM I LHUM MAI HAQ WANG LO MU, BABELON LE ZAN UNG YU RA NGHUT LHE GA, MYIQHTOI PE TE TAI TO E NGHUT LHE. BABELON BYU PE LE GI, SHUQ WUT BANG GA KO RA NGHUT LHE. BABELON HTEN BYOQ E LABAU LE HAU DONG ROQ ZA DUT E LE KA TO RI.

MEDE BYU PE EQ PERSIA BYU PE MAI BABELON LE ZAN LING YU E HTANG MA, DANIELAQ GI, CHYUNLAIKA MA E RABUK NGHUT E, MYIQTOTI YEREMIA KA E LAIKA AXAU RABUK LE MYANG RI. YHANG GI, NGHAP NYI E HKLIN, BABELON BYU PE SHUM ZUNG E TO ZAN ZA MYANG RA NGHUT LHE GA GARAI GASANG NOQ MAI TE TAI TO E LE MYANG MU, GYUQ DAN RI.



HAU HTANG MA, MYIT GYO TO E BANG GI, YERUSALEM MA TAU LO MU, WA WAM XEWAM EQ NOQKUQ YHUM LE SAI SAI RA NGHUT LHE. XOQ LUJ NGHAP LO LE, YHANGMOQ TAU LO RA MATU HKUNMO HKYO RA PERSIA HKOKKAM E MYING LE HKYAK YHANG, ZOO ZAN HI MAI MYIQTOTI ESAIA BYI TO BE LE, YHANG MYANG NGHAP RI.



69 ZAN BYING LO BE ... RAZAN ZA RU MYIT TO ALO. SIRU GI, GARAI GASANG E DUI-NHANG ZOSHANG NGHUT MU, GARAI GASANG O NAU E HKYO KUT NYI RA GA TAI TO RI. YHANG GI, NGA-NHUNG LE, NGA-NHUNG E YHUMMAU MA TAU LO RA MATU HKLINMO HKYO RA NGHUT LHE! O, NYI MINYI, JOQ MIJOQE HKOKKAM, NGAMOQ E GARAI GASANG YHUMSING E, NANG GI, HKUNGSO WO NYI SHANG GAQ.

CHYUDANG MA TAI TO E EQ RAJUNG, SIRU GI, YUDAQ BYU PE SHUM ZUNG E MAI TO ZAN BYING E HTANG, YHANGMOQ LE LO NHANG BE NGHUT RI; HAU MU, BYU DU 52,000 YUQ GI, YHANGMOQ E MYUQ DUM SAI XUQ RA MATU TAU LO BEKO NGHUT RI.

ABRAHAM LE, GARAI GASANG DANGGIDIQ BYI TO E EQ RAJUNG ZA, YHANG GI, ABYUQ E SUTZE DONG MALIMI SHI, NGA-NHUNG LE BYI BE NGHUT RI. YHANG GI, NGA-NHUNG, GOTU HPARA PE LE NOQ E NGHUT JANG, NGA-NHUNG E GYE PE LOQ MA NGA-NHUNG LE AP PYAM RA NGHUT LHE GA, NGA-NHUNG E ICHYI IWA PE LE SIDIQ BYI TO BE NGHUT RI; NGHUT KOLHANG, YHANG GI, YHANG E BYU PE LE HKA-NHAM LE A TO-MYHI GA LE DANGGIDIQ BYI TO RI. GARAI GASANG GI, YHANG TAI E EQ RAJUNG ZA KUT BE NGHUT RI. AHKUI, NGA-NHUNG GI, TAU LO BE NGHUT MU, YHANG E JINO GYO RA DUT BE NGHUT LHE.

NGA-NHUNG GI, RAGO YHANG CHOM ZUP HPYE YU RA RA NGHUT LHE. NGA-NHUNG GI, SANG-HI MA, WA WAM XEWAM PE HI SAI SAI MU, NOQKUQ YHUM DUM HI RA NGHUT LHE.



O, ABRAHAM E YHUMSING GARAI GASANG E NANG GI, NANG E DANGGIDIQ EQ RAJUNG, NGAMOQ LE SHUI TAU LO BE NGHUT RI. NANG E HKYO CHANG RA MATU, NGAMOQ LE MHOQ SHIT LAQ.

NGO GI, GYENG E WUI YU LE BE. NGA-NHUNG, MU ZUI HI LO SHANG.

DANIELAQ GI, ASAK GYAI KO BE NGHUT MU, GOBANG EQ RAHA A BO TALU LO LO NGHUT RI. YHANG GI, AHKYAK E HPAQCHYI BYI SU DONG MEDO-PERSIA HKOSENG MING E HKOHKAM PE LE HPAQCHYI BYI E NGHUT MU, AHKUI GI, BABELON MYUQ MA NYI TO RI. GARAI GASANG GI, HTANGNUNG LE HKYO PE EQ SENG LUU, SHING-RAN MYO MYO BYI RI; YHANG SOQ HTUM E BUINYI JE SHOQ YHANG BYI RI. YHANG GI, YHUPMOQ MA, JOQTOQ TANJUNG DUSAK RADU LE MYANG RI. MAUMANG RAYUQ, HAU E LICHYUM YHANG LE TAI KYO RI.




GARAI GASANG GI, LO HTANG E BUINYI PE MA HAI DUT LO RA LE, NANG LE TUNSHIT E NGHUT RI. YHANG GI, MINGDAN MYI LHUM JOQ RA NGHUT LHE GA, NEBEHKANEZAR LE HPONG SHIT RI. AHKUI I LHUM GI, LE JOQ BE NGHUT RI. SHI MEDO-PERSIA HKOSENG MING LAI LO BYUQ E HTANG MA, GRESIA BYU PE MINGDAN LE JOQ RA NGHUT LHE. HAU GI, GYAI HAN E DONG UP ZO MU, HAN ZA HTEN BYOQ LUU, MINGDAN MYI LHUM GAMHKOQ BYUQ RA NGHUT MU, I LHUM ZA MYIT TO SHOQ YHANGMOQ YHANGCHANG MAJAN ZAN LHUM KO RA NGHUT LHE. YHANGMOQ GI, HAU JOQTOQ DUSAK MAI GUNGLIK DONG NGHUT E, MYI LHUM NGHU RA MINGDAN EQ ZAN UNG YU E HKUN JE SHOQ, ZANWUT MYO MYO ZAN E ZAN LO KUT LHUM NYI KO RA NGHUT LHE.

HAU MYI LHUM NGHU RA MINGDAN GI, SHAMTOQ SU DUT RA NGHUT MU, HI LHE E MINGDAN PE BANSHOQ HTOQ MA JE RIYHANG ATSAM BO, JE RIYHANG ASHOP E DUT RA NGHUT LHE. MINGDAN HAU GI, BANSHOQ LE UPHKANG RA NGHUT LHE; NGHUT KOLHANG, LO HTANG E BUINYI PE MA GI, MINGDAN HAU RAXE LHUM GAMHKOQ BYUQ E HUI ZO RA NGHUT LHE. HAU HTANG, NGUINGON HKYO TAI E BYU RAYUQ PO HTOQ LO RA NGHUT LHE. YHANG GI, DUSAK HAU E ULHUM MA JE HTANG YUQ HTOQ LO E HKYUI NGHUT RI. LO HTANG E BUINYI PE MA, YHANG GI, GYANG E DANG MHAU TAI LUU, UP ZO RA EQ LHOQ HTEN RA MATU, NGUINGON HKYO BYI RA DANGGIDIQ MHAU TO RA NGHUT LHE. HAU HTANG, YHANG GI, YUDAQ BYU PE E NOGKUQ YHUM MA E CHOIYUNG JOWO MA NHING HUI RA HKYO PE KUT MU, HKUNGGA NHONG HKYO NO BYUQ RA MATU, ACHAQ ACHYUT E POI HKING PE KUT RA NGHUT LHE. HAU HTANG MA, MINGKAN GON WUIHKE JAMJAU MO JOQ HTOQ RA NGHUT LHE, NGHUT KOLHANG, DINGMAN BANG GI, HKYI YU E HUI KO RA NGHUT LHE.

DANIELAQ, GARAI GASANG GI, HAI DUT LO RA HKYO EQ HKA-NHAM DUT RA HKYO, NANG LE SE NHANG NAI RI. HAU JEP E TARA BYI E HKUN MAI, NOQKLUQ YHUM LE DUM SAI SAI E HKUN JE SHOQ GI, 483 ZAN MYANG RA NGHUT LHE, BYU PE E YUBAK MARA E MATU AHPALI DONG MESAIA SHI BYI RA NGHUT E HTANG MA, HAU NOQKLUQ YHUM GI, DUM LHOQ HTEN PYAM E HUI RA NGHUT LHE.

MYIQHTOI DANG SHI GI, LHOQ DIK E HUI RA NGHUT MU, MESAIA GI, XU BUT BYI E HUI RA NGHUT LHE. YUBAK MARA E MATU, NGUI NGON HKYO SO XOQ E JOQ RA NGHUT MU, AHTUM ABYUQ E DINGMAN HKYO GI, BYU PE CHYANG YU JE LE RA NGHUT LHE.

DANIELAQ KA TO E EQ RAJUNG ZA, 483 ZAN LO ZU E BUINYI MA YHANG, MESAIA GI, YHANG E LUNG BUDANG DONG YERUSALEM WA MO SHUT WANG LO RI.



ADAM EQ EWAQ LE, GARAI GASANG HPAN TO E HKUN MAI, HKRISDUQ LE LO RA EQ SENG E HKYO LE, MYIQHTOI DANG MYO MYO BYI TO BE NGHUT RI. GARAI GASANG GI, NAT LE MYIWE E AWUT ASHIN EQ LHOQ HTEN PYAM RA NGHUT LHE GA, ADAM EQ EWAQ TAI KYO TO RI. MESAIA GI, YHPET EQ HAM CHYANG MAI A NGHUT E ZA, SHEM E IKUN MAI HTOQ RA NGHUT LHE GA, YHANG, NO-AQ LE TAI KYO RI. GARAI GASANG GI, ABRAHAM LE, YHANGZO ISAK DONG MAI LO E YHANG E AWUT ASHIN MAI, HKYI YU SU HTOQ RA NGHUT LHE GA TAI KYO RI. GARAI GASANG GI, ISAK LE, YHANGZO YAKUP DONG MAI, DANGGIDIQ BYI TO HUI SU HTOQ LO RA NGHUT LHE GA TAI KYO MU, HKRISDUQ GI, YUDAQ AMYU MAI HTOQ RA NGHUT LHE GA, YAKUP LE TAI KYO RI.

DANGGIDIQ BYI TO E HKYI YU SU EQ SENG E AHKYAK E MYIQHTOI DANG MYO MYO LE, A PUNG E MYIQHTOI PE DONG MAI GARAI GASANG BYI TO BE NGHUT RI. YHANGMOQ TAI E MA, YHANG E ASAK DUI HKYO GI, AHTUM ABYUQ MAI NGHUT NYI E HKYO LE TAI RI: YHANG GI, YUDAQ MING MA E BETLEHEM WA MA, ZOMYI GYING MAI HKU E HUI RA NGHUT LHE GA RI; YHANG GI, GUNGHKYANG ISAM MA IMYIT LHOQ NYHUM MU, LOGUNG MA JI SHOQ LHOQ NYHUM RA NGHUT LHE. HAU YHUMSING GARAI GI, YHANG E WOINYI LE, YHANG CHYANG KAT BYI MU, YHANG GI, TUNGBAU PE CHYANG TARA JEYANG HKYO YU LE RA NGHUT LHE. YHANG GI, TUNGBAU PE E MATU MAUBO DUT RA NGHUT MU, MYIDAM HTOQ MA E LHUNGLHANG BANG LE HKYI YU HKYO YU LE BYI RA NGHUT LHE. YHANG GI, JAMJAU HPLI ZO E MESAIA DUT RA NGHUT MU, YHANG E BYU PE EQ HE-NGIK PYAM E HUI ZO LUI, YHANG E LOQ EQ HKYI MA HTAU ROT E HUI ZO RA NGHUT LHE. YHANG GI, ACHIN JEN LHANG TO E HUI MU, WUISHT KOLHANG, CHYINWING BYI E HUI ZO RA NGHUT LHE. YHANG GI, DAMYAQ IYUQ E GYORO MA SHI E HUI MU, ZUTZE WO SU E LUP MA MYHUP PYAM E HUI ZO RA NGHUT LHE.

MINGDAN MYILHUM EQ SENG E DANIELAQ MYIQHTOI
 DANG GI, YHANG HTOI TO E MA HKYAK YHANG LO DIK
 PYAM BE NGHUT RI. GRISE MING MA E ALEZANDER
 MO GI, 7 ZAN MYANG SHOQ MAU ZAN GYUNGHKYO
 HTOQ E HKUN, MINGKAN LHAND SE SHOQ UP SING YU
 MU, MEDO-PERSIA HKOSENS MING MO LHAND BO
 SHOQ UP YU BE NGHUT RI. GRISE E ATSAM GI,
 MYILHUM NGHU RA MINGDAN NGHUT E ROMAQ UP HI E
 HKUN B.C. 167 ZAN JE SHOQ JOQ NYI E NGHUT RI.

ROMAQ GI, NEBUHKANEZAR E YHUPMOQ MA E
 SHAMTOQ TANGBAU EQ HKYI E GUNGLIK NGHUT MU,
 MYIQHTOI PE DANGGIDIQ BYI TO E EQ RAJUNG ZA,
 DANIELAQ E SHING-RAN MA E SU, JOQTOQ DUSAK GI,
 YHANG E ATSAM EQ MAUKYO LE LHOQ KO JAT YU RI.
 B.C. 5 ZAN MA, ROMAQ GI, ISRAELAQ BYU PE LE
 JOQTOQ LOQ EQ UP ZO RI.